

# 佛遺日摩尼寶經

後漢光和年支誠譯

## 推六

佛在舍衛國祇洹阿難那阿藍時與摩訶比丘僧千二百五十人菩薩萬二千人爾時佛語摩訶迦葉比丘言菩薩有四事法智慧爲滅何等爲四事一者不敬經不敬師二者

凌菴

人有欲聞經者中斷之三者人有求深經者愛惜不肯與四者自貢高輕侮他人是爲四菩薩復有四事法智慧爲增何等爲四一者恭敬經尊師二者人有來聽經者不中斷三者人有欲得深經者不愛藏四者具足爲人說經不從人有所教冀常自精進常隨法行不諱說是爲四菩薩有四事世世亡菩薩道意何等爲四一者欺調其師二者主持他人長短人無長短詐謗之三者壞敗菩薩道四者罵詈爲菩薩道者是爲四菩薩有四事世世所生念菩薩道不忘及自致至佛何謂四事一者不欺師盡其形壽不兩舌諛誑二者

盡形壽不兩舌形笑他人三者慈心於人不念人惡四者視諸菩薩如見佛及初發意無異是爲四菩薩有四事法中道斷絕爲菩薩日滅何謂爲四一者自貢高學外道二者獨欲自供養不欲令他人得三者反自憎菩薩還自相謗四者人有來常所聞經忘止令斷

絕是爲四菩薩有四事求經道及有所求索不中斷何謂四事但求索好經法六波羅密及菩薩毗羅經及佛諸品去瞋恚之心敬事十方天下人如奴事大夫樂於經不爲外道自益身也自守不說人惡及讒溺於人所不聞經不限佛智也隨其所喜經者各自聞得

是爲四菩薩有四事心不委曲當遠離何謂爲四一者猶豫於佛法二者自貢高瞋恚頑恨用加於人三者貪嫉諛誑四者說菩薩短是爲四菩薩有四事直行至誠何謂爲四一者自有過惡不覆藏自悔欲除其罪二者實諦亡命亡財不兩舌三者設有灾變妄

起至罵詈數數輕易及搥捶閉著牢獄設有是當自悔前世惡所致四者無恨無瞋恚悉自信是爲四菩薩有四事難調也何謂四事一者學經自用不隨師法二者所受教不用也不慈孝於師三者受比丘僧所信句妄與他人四者不敬於成就菩薩是爲四菩薩有

桂

推廣四事易調也何謂爲四一者所聞經法隨教不過所聞者但聞取法不取嚴飾二者當恭敬於師無謔詭三者食知足持戒三昧如法四者見成就菩薩持善心向心口身亦尔亦欲及其功德是爲四菩薩有四事得其過何謂四事一者本不相習不當妄信二者佛有

人是爲四菩薩有四惡知識何謂四一者事一者依經得生活二者但欲聲名不索佛道三者但欲自安不念苦人四者但口多說不欲度餘人是爲四菩薩有四事成其功德何謂四事一者信虛空二者所作惡信當悔三者心念萬物皆非我所四者極大慈於十

二

方人是爲四菩薩有四惡知識何謂四一者教人爲羅漢道滅意二者教人爲辟支佛道自守無爲三者喜教人爲教道四者人來有學經者持財物誘諭不肯教人是爲四菩薩有四善知識何等爲四一者人所求索不逆也用是故成佛道二者經師是爲善知識多

推廣卷三

三

深法不當妄教人是爲大過三者人有喜菩薩道者反教人羅漢道是爲大過四者於比丘僧中布施心不等與者是爲大過是爲四菩薩有四事得菩薩道何謂四事一者等心於十方人二者布施等心於十方人三者所作爲等心於十方人四者說經等心於十方

凌

聞經故三者勸樂使人發意求佛成於功德四者佛天中天是善知識具足諸佛法故是爲四菩薩有四珍寶何謂爲四一者見佛已悉供養無二意二者六波羅蜜法悉聞三者常淨心向師四者止於愛欲常止空閑處是爲四菩薩有四事出於魔界何謂爲四一者

不捨菩薩心二者無有瞋恚心向於十方人  
大如毛髮三者悉學外餘道四者恭敬於諸  
菩薩是爲四菩薩有四事得功德不可復計  
何謂爲四一者持法施與人不希望欲有所  
得二者人有犯戒者當慈哀之三者多教人  
爲菩薩道四者有下賤人來毀辱菩薩悉當

忍之是爲四佛語迦葉言不用字爲字菩薩  
也隨法行隨法立用是故字菩薩菩薩凡有  
三十二事何謂三十二事安隱慈心於人自  
念智慮少去自用不高自傭堅住不動還所  
與親厚及至般泥洹善知識惡知識等心無  
有異所作爲不懈怠常和暢向於十方人不

樂於外事不喜於小道心喜於大道離於惡  
知識習善知識以五旬自娛樂譬如月初生  
時稍稍增益於智慧稍稍如是不隨非法所  
語無異所說諦者恭敬佛言如是迦葉三十  
二是故名爲菩薩佛言迦葉譬如地一切  
人隨其所種其地亦不置人也如是發意菩

薩自致乃成佛饒益十方人亦適無所置也  
迦葉譬如春夏溫暖所種成熟菩薩智慧成  
熟十方功德如是譬如水百穀草木皆因水  
茂盛菩薩如是發心諸經法悉從中生譬如  
風悉成諸佛國土菩薩如是漚和拘舍羅悉  
成諸佛經譬如日無所不照天下人皆見其

推摩尼

四

中斷等心悉徧至不斷慈心索諸經法不忘  
於經法中無有飽時所有惡不覆藏皆發露  
他人有短不念其短惡諸福功德悉究竟索  
所施與但發心索佛耳一切索有所生心向  
十方人不適有所憎無思想之禪不願於其  
中也漚和拘舍羅護於智慧四事雜布施不

明菩薩如是智慧光明悉照十方人經道之  
明譬如意月初生時日日增益菩薩如是精進  
具足於功德譬如師子獨行獨步無所畏譬如  
菩薩如是被戒德之鎧獨行獨步無所畏譬如  
草木雖無上枝下根由復生菩薩如是雖斷  
三願極大慈續見世間譬如萬川四流皆歸

於海合爲一味菩薩如是持若干種行合會功德持用成願一味入薩芸若中譬如須彌山忉利住其上菩薩如是發心成薩芸若譬如樹蔭却兩菩薩如是持極大慈兩於經道譬如國王得傍目共治則好溫和拘舍羅如是菩薩所作爲如佛譬如天晴欲索雨不能

得也菩薩如是不學經道豫知不高明也譬如遮迦越羅之所處自然有七寶自然來生菩薩如是初生薩芸若意然後自然生三十七品經譬如更治摩尼珠其價增倍多所饒益師成一人爲菩薩道衆阿羅漢辟支佛皆依用得度譬如毒藥在人手中不害傷人菩薩雖在愛欲中持智慧不入惡道譬如郡國多積糞壤有益稻田菜園菩薩雖在愛欲中益於天上天下佛語迦葉若有菩薩欲學極大珍寶之積遺日羅經當隨是經本法精進何等爲本法無法無我無人無壽無常無色無痛痒無思想無生死識是爲法本根有常

在一邊無常在一邊有常無常通在其中無色無見無識是故爲中之智黠本也譬如大地爲一界復一佛界兩界之際中無色無見無識無我無識無所入無所語是爲智黠本也心爲一邊無心爲二邊設無心無識無我無識是爲中間之本諸佛經法等無有異有德無德內事外事有世間無世間爲度者未度者脫愛欲未脫愛欲泥洹等無有異有在一邊無有在一邊有無有適在中間是爲智黠中本也佛語迦葉我爲汝曹說法從生至死身所出生苦癡在一邊黠在一邊無癡無黠適在中間是爲智黠中間之本佛語迦葉空不作法法本無空無相不作法法本無相無願不作法法本無願無生死不作法法本無死生無生無出生無滅無處所無形不作法法本無形當隨是本法是爲中間觀本法不自分別解身爲空也空棄空中之空本自空甫當來空現在空佛語迦葉人寧著纏大

如湏彌山呼爲有其過不足言耳人有著空  
言有空其過甚大若有著癡者曉空得脫著  
空者不得脫佛語迦葉言譬如人病得良醫  
與藥藥入腹中不行於迦葉意云何是人能  
愈不迦葉報言大難佛言外餘道曉空得脫  
者空不得脫譬如人畏於虛空啼哭教人却

去虛空佛語迦葉是人寧却虛空不迦葉言  
不可却也佛言如是迦葉若沙門婆羅門畏  
於虛空其人亦空語復畏空是人爲狂無有  
異佛語迦葉言譬如盡師自盡鬼神像還自  
復恐怖譬如人未得道者如是色聲香味坐  
是墮死生中不曉法譬如木中火出還自燒

木從觀得黠自燒身譬如幻師化作人還自  
取幻師歟如是色聲香味對從中出念歟空  
無他奇佛語迦葉譬如燈炷之明不自念言  
我當逐冥去冥也然燈炷照不知冥所去處  
如是智慧不念我當去愚癡得智黠不知愚  
癡所去處也是智黠無所從來亦無有持來

捲之六

者是燈炷明是冥空不可得持也是智黠是  
癡兩者俱空無所持譬如大舍小舍百歲若  
千歲未嘗於其中然燈火也却後各於中然  
燈佛語迦葉於迦葉意云何是冥在中千歲  
若我豪強不出迦葉白佛言不也冥雖久在  
中見火明不敢當即去佛言如是迦葉菩薩

數千巨億萬劫在愛欲中爲欲所覆聞佛經  
一反念善罪即消盡燈炷明者於佛法中智  
黠明是也冥愛欲即爲消盡譬如虛空中不  
生穀實也地種乃生穀實耳如是涅槃中不  
生菩薩也冀治其地穀種潤澤生於愛欲中  
生菩薩佛語迦葉譬如曠野之中若山上不  
生蓮華及優鉢華也菩薩不於衆阿羅漢辟  
支佛法中出也譬如大陂水汙泥之中生蓮  
華優鉢華也從愛欲中生菩薩法譬如四大  
海停住菩薩於三界功德中潤澤成菩薩道  
譬如橐虱食芥子空羅漢辟支佛智爾所耳  
譬如麻油破一髮作百分持一分醯油麻中

爲出幾所適羅漢辟支佛智如是如十方空所至菩薩曉佛智如是譬如遮迦越羅有千子無有一子應遮迦越羅相也雖有爾所子不在子計中也有羅漢數千巨億萬人不在佛計中無一菩薩佛雖有爾所羅漢不具足爲佛子也譬如遮迦越羅正夫人與貧窮人

推摩尼

七

共交通從中生子佛語迦葉是寧應爲遮迦越羅子不乎迦葉報佛言不也佛言如是迦葉雖有羅漢從法中出是非佛子也不類菩薩何以故菩薩不斷佛法故譬如遮迦越羅與青衣交通却後生子具足成遮迦越羅相雖從青衣生由爲是遮迦越羅子也如是菩薩雖在生死中行力少會爲佛子譬如遮迦越羅夫人懷軀七日會當成遮迦越羅相也諸天皆徹視見腹中胞胎雖遮迦越羅子多者無遮迦越羅相諸天言由不如供養腹中七日子也發意菩薩如是中有爲佛道諸天心念言雖有羅漢數千萬億豪尊不如供養

發意菩薩也譬如摩尼珠有水精大如須彌山不如一摩尼珠初發意菩薩衆阿羅漢辟支佛所不能及也譬如遮迦越羅有少子諸小王傍目皆爲作禮初發意菩薩如是諸天釋梵世間人龍鬼神皆爲作禮譬如大山諸藥草悉出其巔亦無有主隨其有病者與諸病皆愈菩薩如是提持智慧藥愈十方天下人生死老病悉等心譬如月初生人皆爲作禮月成滿無有爲作禮者若有信佛者於佛法中菩薩發意若有信佛者多爲菩薩作禮者何以故從菩薩成佛故譬如智者不捨月爲星宿作禮也高人如是不捨菩薩爲羅漢作禮也譬如天上天下共治一水精會不能得摩尼珠也一切自守持戒禪三昧智點羅漢雖衆不能坐佛樹下不能作佛也尔時佛語摩訶迦葉菩薩學用十方人故菩薩作功德用十方人故菩薩作功德不自貢高菩薩常當教十方人愈其病何等爲愈病姪者

以觀爲藥瞋恚者以等心爲藥癡者以十二因緣爲藥疑不信者以空爲藥欲色若無所愛欲所念以無願爲藥四顛倒各自有藥何等爲各自有藥一者有常以無常爲藥二者有樂以苦爲藥三者有言是我所以非我

推摩尼

所爲藥四者有身以觀爲藥四意止以身心爲念是爲藥四意斷一切惡悉斷是爲藥四神足念合會成身以空葉爲藥五根五力不信懈怠念功德爲藥七覺意入法黠是爲藥外道及不信以八道爲藥是爲各各分別藥佛語迦葉若聞浮利若醫弟子者或醫

進推念心何等心入姓何等心入瞋怒何等心入癡持過去當來今現在心入耶過去爲盡甫當來未至今在無所住也佛語迦葉言心無色無視無見佛語迦葉言諸佛亦不見心者本無所有無所因也自你是因緣自得是死生心遠至而獨行心譬如流水上生泡

沫湧臾而滅心譬如天暴雨卒來無期愛欲亦如是卒來無期心譬如飛鳥獮猴不適止一顛也心所因不適止一顛也譬如畫師各各賦彩心各各異如是隨行所爲譬如王於衆人中爲上心於諸功德中無上譬如倉蠅在糞上住自以爲淨心亦如是入愛欲中自

推摩尼

九

王最尊者三千國土滿其中者或醫王滿其中雖有乃爾所醫王不能愈外道及不信者不知當持何等法藥愈也菩薩作是念不持世間藥愈人病也當持佛法藥愈人病何等爲佛法藥隨其因緣點慧中無我無人無壽無命信空度脫空無空聞是不忍不懼持精

以爲淨心譬如怨家擲人著惡道中無有期也譬如持灰作城持無常作有常譬如持鉤行釣魚得心持非我所是我所心譬如賊所作功德反自辱譬如坂上上下心湧臾有愛湧臾有憎心譬如怨家但伺人便心常欲聞香譬如盡瓶盛屎有何他奇心喜味譬如奴

隨大夫使心樂對譬如飛蛾自投燈火中佛語迦葉心索之了不可得雖不可得是爲無有雖無有因爲無所生雖無所生亦無所出雖無所出亦無所壞雖無所壞亦無有死亦無有生雖無所生無所死本無因緣死生雖本無因緣無生亦無願也雖無願亦無所持

雖無所持是爲羅漢藏是爲羅漢藏無戒禁也若死生若計所作罪本無有是無死生是爲羅漢藏羅漢藏亦無身行無口行無心行是藏無有異也何以故諸經一味故是藏皆等如虛空是藏適無所莫亦無是我所亦非我所是藏諦本無諦是藏本淨無愛欲之瑕

穢也本藏離本藏是藏隨次至於泥洹是藏無盡也本無有生也是藏安隱用至泥洹故安隱是藏也常藏常經無本是藏好去大無死生佛語迦葉言自求身事莫憂外事後當來世比丘輩譬如持塊擲狗但逐塊不逐人當來比丘亦尔欲於山中空閑之處常欲

得安隱快樂不肯內自觀身也如是爲不曉色耳鼻舌身從是何緣得脫乎從是入城乞旬若至聚邑見色聲香味細軟欲得者便爲墮襄於山中若多少持戒不內觀死則天土生從天上来下生世間從是以後不離三惡道佛語迦葉言比丘如狗逐塊人罵亦復罵

之人撻亦復撻之不制心者亦如是譬如調馬師馬有躊躇者當數數教之久後調好比丘時時法觀制心調亦不見其惡如是譬如人病喉咽痛舉一身皆爲痛人心繫於是我不非我所隨外道亦如是佛語迦葉言沙門有二事墮牢獄中一者言是我所二者求人

推摩尼

欲得供養沙門復有二事縛何謂二事一者學外道二者多欲積衣被及袈裟鉢沙門復有二事中道斷何等爲二事一者與白衣厚善二者見好持戒沙門反憎沙門復有二事墮垢濁中何謂二事一者常念愛欲二者喜交結知友沙門復有二事著何等爲二事自

有過不肯悔反念他人惡沙門復有二事墮泥犁中何等爲二事一者誹謗經道二者毀戒沙門復有二事何等爲二事一者都犯戒二者於法中無所得沙門復有二事悔何等爲二事一者不應行強披袈裟二者身不自持戒持戒比丘反承事沙門復有二事病難

愈何等爲二事一者心邪亂二者人有作苦  
薩道者止斷佛語迦葉沙門何故正字沙門  
有四事字爲沙門何等爲四一者形容被服  
像如沙門二者外如沙門內懷諛詔三者求  
索譁名自貢高四者行不犯真沙門也何等  
爲形容被服如沙門者髡頭剃鬚著袈裟持  
鉢心不正不持戒但欲作惡喜學外道是爲  
被服如沙門何因外如沙門內懷諛詔者安  
徐而行安徐而出安徐而入外道鹿惡於山  
間草屋爲廬內無信著我著我所中有困苦  
直信者反自嫉妬何因爲求索譁名者諛詔  
持戒令他人稱譽諛詔學經令他人稱譽諛

雜譬

十一

詔僻處令人稱譽不自尅責求度脫但有諛  
詔何等爲行不犯真沙門不惜壽命杼身何  
況索歸遺供養者若有比丘守空行常勸樂  
追及悉見諸法淨潔本無瑕穢自作點明不  
從他人持點明於佛法亦不著何況常著色  
亦無結者亦無脫者本無不見泥洹亦無死  
生亦無泥洹是爲真沙門佛語迦葉至誠沙  
門常當你是念當効真沙門莫効譁名諛詔  
沙門也譬如貧人号名大富但得富名無所  
有也佛語迦葉是人應得爲有是字不迦葉  
言不也佛言如是迦葉雖有沙門字不行沙  
門法也亦如貧人自稱大富譬如人爲水所  
沒溺反渴欲死沙門如是多諷經高才不去  
情欲於情欲中渴欲死坐入泥犁禽獸薜荔  
中譬如醫滿一具器藥不能自愈其病雖多  
諷經而不持戒譬如人病得王家藥不自護  
坐死雖多諷經而不持戒如是譬如摩尼珠  
墮於屎中雖多諷經而不持戒譬如死人著

金傳飾不持戒反被袈裟像如持戒沙門譬  
如長者子服飾著新衣著新傳飾多諷經持  
戒好亦如是佛語迦葉有四事不持戒像類  
持戒人何等爲四一者若有比丘禁戒所說  
不犯數也雖有是有著呼有人二者若比丘  
悉知律經著行是我所行三者若有比丘著

我是我所四者常行等心等心於人著怖思  
於死生是爲沙門不持戒名持戒佛語迦葉  
言禁戒無形不着三界何因名爲戒無吾無  
我無人無命無意無名無種無化無教無有  
作者無所來無所去無制無滅無身所犯無  
口所犯無心所犯無世無計無世所住亦無

有戒亦不無戒亦無所念亦無敗壞亦無坐  
立是故爲禁戒矣爾時佛說曰戒無瑕穢著  
也戒者無暗無瞋恚安定就涅槃如是爲持  
戒不愛身亦不愛命不樂於五道悉曉了人  
於法於佛法中是故爲戒適不在中邊止也  
中邊不著不著不縛譬如空中風是爲持戒

名及種無所止也人定心無所著無我想無  
人想曉是者是爲淨持戒也不輕於禁戒不  
自貢高常歡守道持戒如是無有能過者離  
我所想自我及是我所都無有是也信於空  
及佛法行不沾污於世不著於世間從冥入  
明適無所因不著於三界是爲持戒時佛說  
是經法二萬二千諸天人及世間人民諸龍  
鬼神皆得湏陁洹道八百沙門皆得阿羅漢  
道五百沙門素皆行守意得禪道聞佛說深  
經皆不解不信便從衆坐辟易亡去迦葉比  
丘白佛言是五百守禪比丘聞深經不解不  
信摩訶而去佛語迦葉是五百守禪比丘信

餘衆多聞深法教不解不信佛語迦葉是五  
百比丘者乃前迦葉佛時皆作婆羅門道於  
迦葉佛所一反聞經道心意樂喜即時五百  
人自說言迦葉佛所說快乃尔五百人得是  
福祐壽終皆生忉利天上佛言五百比丘得  
是而已後於我法中作沙門今聞深經不解

不信佛語迦葉言是五百比丘持是所聞深經得不墮惡道於今世皆當得阿羅漢般涅槃去佛語湏菩提言汝行教五百亡去比丘令來還湏菩提白佛言是五百比丘尚不欲聞佛所說何肯隨小羅漢語乎佛即時化作兩比丘於五百比丘前徐行五百比丘皆使

推摩尼

十三

行及前兩比丘五百比丘問前兩比丘言二賢者欲何至湏兩比丘報言欲到空閑山中安隱之處自守坐禪不能復憂餘五百人復問言何以故兩比丘復報言佛所說深經我不信不解也五百人復報言我亦欲入山止空閑之處快坐禪無人來娆我我曹亦復聞

佛說經不信不樂也兩比丘復報言是事當共諦議不戲也不爭者是爲比丘法也何因爲泥洹身中有我有神有命有人有意耶當有至泥洹處者耶五百人報言是身亦無人亦無我亦無命亦無意亦無有行至泥洹處者也兩比丘復報言何等盡當得泥洹者五

百人復報言盡涅槃盡怒盡癡是爲泥洹兩比丘復問言卿曹姪怒癡悉盡未五百人復報言亦無內亦無外也兩比丘復問言賢者當莫著亦莫不著雖不著莫不著是爲泥洹禁戒不在死生亦不在泥洹智黠適等度脫見黠亦不在死生亦不在泥洹是本法空無色亦無所見棄思想棄泥洹想滅思想痛癢得疾至所有法莫念亦莫不念滅思想痛癢是爲無所爲尔時兩比丘說是經法五百人皆得阿羅漢道五百人屈還至佛所湏菩提問五百人言諸賢者去至何所從何所來五百人報言佛說經無所從來去亦無所至湏菩

提問五百人誰是汝師者五百人報言本無有生何因當有出湏菩提復問誰為鄉曹說經者五百人報言無五陰無四大無六衰是爲我師湏菩提復問言師爲汝說何等經五百人復報言無縛亦無放湏菩提復問言本從何因緣守道乎五百人報言亦無守亦無

有不守湏菩提復問言所作爲當如是五百

人復報言亦無有當所作如是者湏菩提復

問言以爲降伏魔耶五百人復報言無有五

陰與魔也湏菩提復問言鄉曹當何時般泥

洹乎五百人復報言化人般泥洹者我今時

亦當復般泥洹湏菩提復問言誰愈鄉者五

推摩尼

古

百人復報言無身無心是我師也當愈我湏

菩提復問言鄉曹愛欲豈盡未五百人復報

言諸經法本盡湏菩提復問言鄉曹已住羅

漢地耶五百人復報言亦無所取無所放湏

菩提復問言鄉曹死生已斷耶五百人復報

言本斷亦無所見湏菩提復問言鄉曹住能

於忍地耶五百人復報言一切已脫著中去  
時湏菩提問事以所可報五百人爾時百二  
十萬人及諸天鬼神龍皆得湏施洹道千三  
百比丘皆得阿羅漢道佛說經已比丘比丘  
尼優婆塞優婆夷諸天世人鬼神龍皆歡喜  
前爲佛作禮而去

佛遺日摩尼寶經

推六

支識

法師名下楚禁反

犯

輕

侮

下欺也下音武

慢

即輕

悔

也也也也宣

謾

上慢也下胡懶反亦作謾

讒

也也也也詭

譖

上謾反亦作譖

懲

也也也也懲

誣

上誣反亦作誣

惄

也也也也惄

惄

上惄反亦作惄

十五